

ԳՐԱԽՈՍՈՒԹՅՈՒՆ Ք Ե Շ Ե Ն Յ Ո Ւ

ROBERT W. EDWARDS. *The Fortifications of Armenian Cilicia.*—
Dumbarton Oaks Trustees for Harvard University, Washington, 1987,
288 p., 1 map, 75 figures, 570 b. & w., 48 color plates.

ՌՈՐԵՐՏ ԷԴՎԱՐԴՍ, Հայկական Կիլիկիայի ամրությունները

Հայկական ամրոցաշինությունները նվիրված սակավաթիվ ուսումնասիրություններին վերջերս ավելայալվ Ռորերտ Էդվարդսի՝ ԱՄՆ-ում լույս տեսած «Հայկական Կիլիկիայի ամրությունները» աշխատությունը, որն ամրոցաշինության նվիրված է Կիլիկիայի հայկական պետության պաշտպանական կառույցներին: Հեղինակը երեք գիտարշավ է կազմակերպել դեպի Կիլիկիա (1973—1974, 1979, 1981 թթ.). որոնց ընթացքում տեղում ուսումնասիրել, չափազերել և լուսանկարել է այս ընդարձակ տարածքի վրա գտնվող դղյակները, բերդերը, ամրոցները և պատկանները: Գրեթե մեկուկես տասնամյա շրջանի աշխատանքի արդյունք հանդիսացող այս մեծարժեք մենագրությունը կարող է նոր խթան հանդիսանալ Կիլիկիայի և բուն Հայաստանի ամրոցաշինության, ճարտարապետության ու պատմության ուսումնասիրության բնագավառում: Այն համարում է հայկական մշակույթին նվիրված բազմաբնույթ գրականությունը: Պետք է արժանին հատուցել Ռ. Էդվարդսին, որը կարողացել է հաղթահարել տեղում ուսումնասիրելու և չափազերելու դժվարությունները՝ կապված բերդերի անառիկ տեղադրության հետ, փորձել է առավելագույնը քամել պատմական սկզբնաղբյուրներից, գիտական ուսումնասիրություններից և նանապարհորդական նոթերից: Հատկապես նկատի պետք է ունենալ այն հանգամանքը, որ պատմական Հայաստանի բերդերի մասին մինչև օրս հրապարակված միակ ուսումնասիրության մեջ՝ հաշվի չեն առնված շինությունների ճարտարապետական առանձնահատկությունների նրկարագրությունները, ավելին՝ դրանց գերակշիռ մեծածախությունը դեռ չափազերված չէ: Այդ իսկ պատճառով այսօր հնարավորություն չունենք վերլուծելու պատմական Հայաստանի տարբեր նահանգների պաշտպանական կառույցների

ճարտարապետական առանձնահատկությունները և որոշելու կիլիկյան ամրությունների տեղը այդ համակարգում:

Ր տարբերություն բուն Հայաստանի՝ Կիլիկիայի ամրությունների մասին աշխատությունները ճարտարապետական հորինվածքների ուսումնասիրության տեսանկյունից գիտական հիմքերի վրա են գրվել դեռևս մեր դարի 30-ական թթ.: Գոտվալդի ջանքերի շնորհիվ՝ ճարտարապետական հորինվածքների առանձնահատկությունների ուսումնասիրության տեսանկյունից Ռ. Էդվարդսի անմիջական նախորդն է Հանսգերդ Հելենկեմպերը, որը 1976 թ. հրապարակած մենագրության մեջ ուսումնասիրել ու չափազերել է 26 կիլիկյան ամրոց՝ Կիլիկիայի հայկական ճարտարապետության նկատմամբ եվրոպական և անդրօվկիանոսյան մասնագետների բացառիկ ուղադրությունը պայմանավորված է նրանով, որ այդ ամրոցների բազմաթիվ մանրամասներ իրենց ազդեցությունն են թողել խաչկարաց ամրոցների հորինվածքների վրա:

Ռ. Էդվարդսի «Հայկական Կիլիկիայի ամրությունները» ուսումնասիրությունը պարունակում է 75 ամրոցի պատմաճարտարապետական ուսումնասիրություն, չափազերություններ և նարյութավոր լուսանկարներ: Գիրքը բաղկացած է երկու մասից և երեք հավելվածներից, անձնանունների, տեղանունների, գրականության և օգտագործված քարտեզների ցանկերից: Առաջին մասում, որը կոչվում է ներածություն (վճ 3—50) զետեղված են հետևյալ բաժինները՝ 1. Պատմական ետնախորքը, 2. Հայկական ամրությունների բնորոշ գծերը, քսան տարբերակիչ գործոններ, 3. Կիլիկիայի ամրությունների որմնադրությունը, 4. Հայ ազգական ճարտարապետության տիպաբանությունը, 5. Արաբական, բյուզանդական և խաչկարաց ազգական կա-

1 Մ. Հովհաննեսյան. Հայաստանի բերդերը. Վենետիկ, 1970: Ըստ Ռ. Էդվարդսի գրականության ցանկի Միքայել Հովհաննեսյանը հրատարակել է նաև «Կիլիկիայի բերդերը» մենագրությունը (1985), որը դեռ չի հասել ուսումնասիրողներին:

2 J. Gottwald-ի հոդվածները տե՛ս Byzantinische Zeitschrift, B. 36, 40, 41:

3 H. Hellenkemper. Burgen der Kreuzritterzeit in der Grafschaft Edessa und im Königreich Kleinarmenien. Bonn, 1976, S. 104—254.

ուույցները Կիլիկիայում, Ճ. Հայկական ամբու-
թույնների ժամանակագրությունը, 7. Ռազմա-
կան ճարտարապետության դերը միջնադարյան
Կիլիկիայում. ոչ քաղաքաշինական ստրատե-
գիայի հաղթահանողները, Երկրորդ մասում ըստ
աւրբենական հերթականության իրար են հա-
ջորդում կիլիկյան 75 ուսումնասիրված ամրոց-
ների մասին հետազոտությունները (էջ 53—
278): Հավելվածներն են՝ 1. Վարպետանշան-
ներ, 2. Շաղախի բիմիական բնութիւյան ար-
դուներները, 3. Թազադրման ցուցակը⁴ (էջ 277—
280):

Կիլիկիայի հայկական պետության ամրոցնե-
րի ու բերդերի ուսումնասիրությունը Բ. էդ-
վարդը սկսել է՝ ձեռքի տակ ունենալով իրեն
հետաքրքրող տարածքի մանրամասն քարտեզ-
ներ, նկարագրություններ և ճանապարհորդական
նշանք:

Կիլիկիայի ամրոցաշինական-ճարտարապե-
տական ժառանգությունը հետաքրքիր և ինքնա-
տիպ է նաև այն պատճառով, որ երկրամասը
դարեր ի վեր սահմանալին գոտի է եղել Հռո-
մեական կայսրության և Պարսկաստանի, ապա՝
Քյուզանդիայի և Արաբական խալիֆայության
միջև: XI դարի երկրորդ կեսից Կիլիկիայում
բառաբանական իշխանությունը իրենց ձեռքը վերց-
րին բյուզանդական ծառայության մեջ գտնվող
հայ իշխանները, որոնք բյուզանդական կայսրու-
թյան և սելջուկյան պետության նվաճողական
բառաբանական հետևանքով Կապադովկիա,
Հյուսիսային Ասորիք և Կիլիկիա էին դադարեց-
րում Հայաստանից, Հայկական պետականության
վերականգնման համար XII դարում Կիլիկիա-
յում ծայր առած քաղաքական ու մշակութային
շարժման գլուխ կանգնեցին Ռուբինյան պայա-
զատները, որոնք կարողացան երկրամասը հե-
տըզենտե ազատագրել բյուզանդական խնամա-
կալությունից և, ստեղծելով պաշտպանական
կառույցների լայն ցանց, կասեցրին օտար նվա-
ճողների մուտքը դեպի Կիլիկիա: Հետագայում՝
Կիլիկիայի հայկական թագավորության շրջա-
նում (1198—1375), անհրաժեշտություն առաջա-
ցալ պաշտպանական կառույցների խիտ ցանցի
միջոցով ամրացնել երկրի և տարբեր իշխա-
նությունների սահմաններն ու կարևոր առևտրա-
կան ճանապարհների մատուցները: Այդ ըն-

թացքում հիմնադրվում են նոր ամրոցներ, բեր-
դեր ու դղյակներ, վերակառուցվում են ավերակ
ուղղական կառույցները և ամրացվում խոշոր
քաղաքները: Հետաքրքիր է նաև այն հանգա-
մանքը, որ Սմբատ Սպարապետի կիլիկյան հայ-
կական դատաստանագիրքը իրավունքի նորմա է
համարում հետևյալը. «Եւ թագաւորին մեն է՝
որ կարէ դեկան շինել՝ եւ քաղաք եւ բերդ՝ եւ
մեծ գետոց Կանդաւայ եւ հոգետուն եւ մեծ
մանփնի եւ ի կապենի երկրին: Եւ թէ իշխան
կամենայ յայտոց շինել, նա թագաւորին հրա-
մանաւք շինէս: Եւ նաեւ կում է, թե քաղաք, բերդ
և ամրութիւն կառուցելու համար պահանջվում
էր երկրի գերագույն իշխանության թույլտու-
թիւնը: Մի քանի պարբերություն հետո Սմբա-
տը ավելացնում է. «Եւ քաղաքի եւ բերդի շենք՝
պատեհ է, որ ամէն երկիրն աւգնեն ամէն իրաւք,
դի ամէնին է, եւ տեղոյն բնակիչքն աւելիս: Եւ
Ուրեմն՝ նման կառույցների շինարարութեանը
պետք է օգնեն որչ երկիրը, քանի որ դրանք
ծառայում են բոլորին: Կիլիկյան դատաստա-
նագրի տեղեկությունները և գրախոսվող աշխա-
տությունն ունենարկված հսկայական նյութը
թույլ են տալիս եզրակացնել, որ Կիլիկիայում
հայտնաբերված ամրոցները առաջին հերթին
պետական հետևողական քաղաքականության
արդյունք են:

Ռուբերտ էդվարդսի աշխատությունը արժեքա-
վոր է նաև այն առումով, որ այստեղ առաջին
անգամ մեկնաբանված են հայկական ամրոցա-
շինության կիլիկյան դպրոցի 20 հատկանշական
գործոններն ու երեք տիպաբանական վերլու-
ծումները, որոնք, հեղինակի ուսումնասիրության
համաձայն, բնորոշ են կիլիկյան ամրություննե-
րի հորինվածքին և վարպետների ձեռագրին: Այդ
հատկանիշներով է հեղինակը տարբերակում
Կիլիկիայում հայերի կառուցած ուղղական շի-
նությունները արաբական, բյուզանդական և խա-
չակրաց ամրություններից և որոշում դրանց
փոխազդեցության ոլորտները: Վերլուծելով
պատշար վարպետների արվեստը, հեղինակն
այն ինը տիպ է բաժանում և բնութագրելով
դրանք՝ նշում, թե դրանցից յուրաքանչյուրը որ-
քանով է բնորոշ հայկական, հռոմեական, բյու-
զանդական և խաչակրաց վարպետների ձեռա-
կերտերին: Ելնելով նշված ելակետերից, Ռ. էդ-
վարդսը Կիլիկիայում գոտ հայկական է հա-
մարում 34 ամրոց, իսկ արաբական, բյուզան-

4 Հեղինակը բերում է Սմբատի Տարեգրու-
թյան մեջ պահպանված և ևսն II-ի թագադրմանը
մասնակցած իշխանների ցանկը ըստ Ճ. Դեդե-
յանի թարգմանության և կցում իր ծանոթա-
գրությունները (հմմտ. La chronique attri-
buée au connétable Smbat, introduction,
traduction et notes par Gérard Dédéyan.
Paris. 1980, p. 75—80):

5 Sempadscher Kodex aus dem 13. Ja-
hrhundert oder mittelarmenisches Rechts-
buch, herausgegeben und übersetzt von
Josef Karst. Strassburg, 1905, B. I. S. 17,
B. II, S. 13—14.

6 Նույն տեղում, հ. I, էջ. 23:

դական և խաչակրաց՝ 29 ամրոց: Գրքում առանձին բաժնով ներկայացված են Կիլիկիայի բյուզանդական, արաբական և խաչակիրների կողմից կառուցված ամրոցները, որոնք շատ հաճախ, հատկապես Կիլիկիայի թագավորության շրջանում, վերակառուցվել են հայ ռազմագետների կողմից: Այս փաստը վավերագրում են ամրոցների պատերին թողնված մի շարք հայերեն արձանագրություններ (Կոռիկոս, Սելևկիա և Անավարա): Ըստ Ռ. էդվարդսի հետազոտության Չարդակ (Համճա), Կոզկադիս, Կոռիկոս, Մոլեվոն, Սելևկիա, Իլի Համտուն և Տրապիզակ ամրոցները վերակառուցվելով՝ վերափոխվել են հայկական տիպի կառույցների:

Ռ. էդվարդսի աշխատության ամենածավալուն բաժինը այսպես կոչված կատալոգն է, որտեղ ներկայացված են հեղինակի կողմից շահագրված 75 բերդերի հատակագծերը, որոված է յուրաքանչյուր բերդի համառոտ պատմությունը և նկարագրությունը, աշխարհագրական ճշգրիտ դիրքը: Աշխատության այս հատվածը արժեքավոր է հատկապես նրանով, որ հեղինակը գիտական շրջանառության մեջ է դնում գրեթե 30 նոր ամրոցների նկարագրություններ, նորահայտ արձանագրություններ (Թամրութ, Շեմ և այլն), որոնք կօգնեն նոր ճշգրտումներ անելու Կիլիկիայի պատմական քարտեզներում և վերանայելու Կիլիկիայի պատմության և մշակութի մի շարք խնդիրներ: Առանձին մանրամասներով գծագրված են պաշտպանական նկատառումներով լուծված մուտքերը, աշտարակները, հրակնատներն ու միջնաբերդերի աշխարհիկ կառույցները: Ի տարբերություն բյուզանդական և հռոմեական ամրոցների, որոնք սովորաբար ունեն կանոնավոր, ուղղանկյուն հատակագծեր, ուր անկյուններում տեղադրված են 3/4-ով դուրս արտահայտված բուրգերն ու աշտարակները, հայկական ամրոցները գծագրվում էին ազատ հատակագծման սկզբունքով, որտեղ շատ հմտորեն օգտագործվում էին տեղանքի բնականից անսահիլ ժայռապատերն ու խոշորդրոտները: Ամրոցների պատերի և աշտարակների կառուցվածքը ևս տարբերվում է բյուզանդականից: Կոր, շրջանաձև, անկյունային պատերը կառուցված են բրգաձև, դեպի վեր նեղացող, իսկ աշտարակները սովորաբար ունեն կիսաշրջան հատակագիծ, երբեմն դեպի դուրս երկարացված պատերով: Հետաքրքրական է Կիլիկյան ամրոցների պարսպապատերի արտաքին մակերևութների յուրովի մշակումը: Ամրոցների շատ տարբեր ձևավորվել են մարտ վարելու տակտիկայի հետ կապված: Յիլան ամրոցում պահպանվել են պարսպապատերի վերին հատվածները, որոնք լուծված են ուղղանկյուն և երկլանջ ատամնաշարով: Վերջիններս օգտագործվել են որպես

կրակատեղեր և ուղղանկյուն, ձգված, կամառակապ հրակնատների հետ համատեղ հանդիսացել ամրոցների ճարտարապետական անբաժանելի տարրերը: Յուրովի են լուծված ամրոցների մուտքային հանգույցները: Սարվանդի քարամրոցում դեպի գլխավոր մուտքը տանող արանները աստիճանաբար բարձրացված է: Դա արված է այն նպատակով, որպեսզի պատի երկայնքով դիրքորոշված աշտարակների միևնույն մակարդակի վրա տեղադրված հրակնատների բարձրությունները մուտքին մոտենալով փոքրանան: Թշնամին, գտնվելով մուտքի մոտ, ընդհանում էր արանների փոքր բարձրության վրա տեղադրված հրակնատների հարվածի տակ, որը պաշտպանվողներին լրացուցիչ առավելություն էր տալիս: Հեղինակը մանրամասն նկարագրում է մուտքային հանգույցների մի քանի ընդունված տիպեր: Այստեղ հատկանշական են փակուղիները, թաղակապ, միջանցքավոր մուտքերը, շիղված սրահավոր մուտքերն ու գաղտնանցումներով սենյակները: Ամրոցների կառույցների ծածկերն իրականացված են սլաքաձև, աղեղնաձև և կամարակապ թաղերով: Գմբեթային ծածկերն առկա են միայն Յիլան և Համբրոն ամրոցներում: Կիլիկյան ամրոցներում հանդիպում են նաև ժայռափոր ջրամբարներ, օրինակ Յիլանում և Գյուկվելիօղլիում: Հեղինակը մատնաշում է, որ ժայռափոր կառուցվածքները բնորոշ են խաչակիրների կողմից կառուցված ամրոցներին: Բոլոր Կիլիկյան ամրոցներն ունեցել են հուսալի ջրամատակարարման համակարգեր, որոնք կապված էին բնական ջրհավաք հանգույցներին:

Գրքի վերջին բաժնում առաջին անգամ ներկայացված են Կիլիկյան որմնադիրների վարպետանշաններ, որոնք հեղինակը հավաքել է տարբեր ամրոցների պատերից ու առանձին կառույցներից: Այս ուսումնասիրությունը լրացնում է հայկական վարպետանշանների հետաքրքիր հավաքածուն:

Գրքին կցված է նաև Կիլիկիայի հայկական պետության քարտեզը, ուր տեղադրված են հեղինակի կողմից շահագրված բերդերն ու ամրոցները, խոշոր քաղաքները, ավաններն ու ճանապարհները:

Ռոբերտ էդվարդսի աշակերտ Կիլիկիայի ամրությունները գիրքը ծանրակշիռ ներդրում է հայկական ճարտարապետության ուսումնասիրության բնագավառում և շահագանջ օգտակար ամրոցաշինությանը գրադրող մասնագետների համար:

Ա. Ա. ՉԱՐՑԱՆ,
Ա. Ա. ԲՈՂՈՅԱՆ: